

culato-rugulosis, pappo sordido achenio longiore φ . Ic. Rchb. t. 31.
— *S. rosea* W.K. forma foliis latioribus elongatis

Hab. in regione alpinâ montis Peristeri Macedoniae (Orph!), Caucaso ad fluvium Terek (ex Guld.).

Ar. Geogr. Gallia australis, Germania australis, Italia, Dalmatia, regio Danubialis, Serbia, Rossia media et australis, Sibiria.

28. **S. elata** (Boiss Diagn. Ser. I, 4, p. 25) glabra, glaucescens, radice tuberosâ oblongâ, collo nudo, caulibus teretibus striatis foliosis flexuosis superne stricte ramosis, foliis rigidis anguste linearibus longis elevatim quinquenerviis margine scabridulis radicalibus basi vaginato-dilatatis caulinis sessilibus filiformi-acuminatis, capitulis longe pedunculatis elongatis, involucri cylindrici phyllis paucis glabratis ab infimis ovatis obtusis vel attenuato-mucronatis ad intima late lanceolata acuta elongatis, flosculis luteis extus rubellis externis involucri quartâ parte longioribus, acheniis teretibus obtuse costatis albis lævibus vel ad costas superne obsolete muriculatis, pappi nivei achenio æquilongi setis 5 longioribus apice scabris φ . *S. graminifolia* Fl. Græc. VIII, p. 62, tab. 784 non L. — *Fleischeria Geropogon* H. et St. in Sched. Pl. exs. Fleischeri. — *S. graminifolia* L. herb. non Sp. Pl.

Hab. in collibus et dumosis siccis insulæ Chio (Orph!) et Rhodi (Bourg!), Smyrnæ et ad radices Sipyli (Boiss! Ball!), Cariæ ad Gheyra (Boiss!), Lyciæ ad Elmalu (Bourg!).

Caulis 1½-3-4-pedales, folia inferiora ½-1 pedem longa 1-3 lineas lata interdum angustissima, capitula sesquipollicaria, achenia 4 lineas cum stipite longiuscule longa. Affinis *S. strictæ* differt radice, foliis quinquenerviis, acheniis abbreviatis obtuse striato-costatis lævibus vel vix muricatis nec acute costatis et muricatis. a *S. Hispanicæ* formis angustifoliis foliis rigidis, acheniis abbreviatis non acute costatis, etc.

29. **S. acuminata** (Boiss. et Bal. Diagn. Ser. II, 6, 119) crispule et arancoso-pubescentis glaucescens, radice crassâ verticali pluricipiti, collo subnudo, caulibus teretibus elatis corymbose 3-4-cephalis, foliis crassiusculis subcoriaceis obovatis et oblongis plurinerviis præter infima abrupte et longe acuminatis inferioribus basi longe attenuatis et in vaginam petiolarem iterum dilatatis. superioribus semiamplexicaulibus anguste lineari-lanceolatis longe setaceo-acuminatis, capitulis elongatis longe pedunculatis, involucri anguste cylindrici subaraneosi phyllis ciliatis externis ovatis breviter acuminatis internis triplo longioribus acutis, flosculis luteis externis involucri sesquilongioribus, acheniis brevibus striato-costatis lævissimis pappo sordido sublongiore superatis φ . *S. Hispanica* var. *brevifolia* Boiss. Diagn. Ser. II, 6, p. 119.

Hab. in monte Bulghasdagh Phrygiæ 4200' (Ball!).

Caulis pedales et sesquipedales, folia infima 1½-2 poll. longa 10-15 lin. lata, caules 1-1½-pedales, facies *S. Hispanicæ* a qua præter folia abbreviata et coriacea differt acheniis 4 lineas tantum longis lævissimis.